



XALQ DEPUTATLARI O'ZBEKISTON TUMANI KENGASHI QARORI

2022 - yil 8 - oktabr

VI-55-139-11-161-K/22

O'zbekiston tuman hokimligi

Jamoatchilik fikri asosida shakllantirilgan tadbirlarni tanlab olish va “Fuqarolar tashabbusi jamg'armasi”dan mazkur tadbirlarga mablag'lar ajratish to'g'risida

O'zbekiston Respublikasi Prezidentining 2021 yil 13-apreldagi “Byudjet jarayonida fuqarolarning faol ishtirokini ta'minlash bo'yicha qo'shimcha chora-tadbirlar to'g'risida”gi PQ–5072-sonli va O'zbekiston Respublikasi Oliy Majlisi Senati Kengashining 2021 yil 22-apreldagi KQ-213-IV-sonli qaroriga asosan jamoatchilik fikri asosida shakllantirilgan tadbirlarni tanlab olish va “Fuqarolar tashabbusi jamg'armasi”dan mazkur tadbirlarga mablag'lar ajratish maqsadida Xalq deputatlari O'zbekiston tuman Kengashi

QAROR QILADI:

1. Quyidagilar:

O'zbekiston Respublikasi Prezidentining 2021 yil 13-apreldagi “Byudjet jarayonida fuqarolarning faol ishtirokini ta'minlash bo'yicha qo'shimcha chora-tadbirlar to'g'risida”gi PQ-5072-sonli va O'zbekiston Respublikasi Oliy Majlisi Senati Kengashining 2021 yil 22-apreldagi KQ-213-IV-sonli qarori asosida joriy yilning

15-iyulidan 17-sentyabriga qadar o'tkazilgan uch bosqichdan iborat jamoatchilik fikri asosida tadbirlarni shakllantirish jarayoni natijalari bo'yicha tuman hokimligi moliya bo'limi mudiri M.Ro'zimatovning axboroti;

O'zbekiston Respublikasi Oliy Majlisi Senati Kengashining 2022 yil 20-sentyabrdagi “Tuman (shahar) byudjetlari mablag'larini jamoatchilik fikri asosida shakllantirilgan tadbirlarga yo'naltirish tartibi to'grisidagi namunaviy nizomga o'zgartish va qo'shimchalar kiritish haqida”gi KQ-406-IV-sonli qarori ma'lumot uchun qabul qilinsin.

2. Ishchi guruh xulosalariga asosan, Xalq deputatlari O'zbekiston tuman Kengashining qarori bilan tasdiqlangan Nizom talablaridan kelib chiqib, ENG KO'P ovoz olgan hamda "Ochiq byudjet" axorot portalida avtomatik tarzda g'olib sifatida tanlab olingan takliflar "g'olib" deb topilsin.

Ushbu takliflarni moliyalashtirish bo'yicha,

"Manzilliy ro'yhat" 1-ilovaga muvofiq;

Jihozlash tadbirlari bo'yicha tovar (xizmatlar) reestri 6-ilovaga muvofiq tasdiqlansin hamda ijro uchun qabul qilinsin.

Bunda,

- Jamoatchilik fikri asosida shakllantirilgan tadbirlarni amalga oshirish bo'yicha tuzilgan shartnomaga ishlar hajmining ko'payishi yoki loyihaaning o'zgartirilishi bilan bog'liq o'zgartirishlar kiritilishiga yo'l qo'yilmaslik;

-Jamoatchilik fikri asosida shakllantirilgan tadbirlarni moliyalashtirishga yo'naltiriladigan tuman byudjeti mablag'lari tuman hokimligi qoshida ochilgan "Fuqarolar tashabbusi jamg'armasi" shaxsiy g'azna hisobvarag'ida jamlangan mablag'larni boshqa maqsadlarga sarflanishi taqiqlanishi belgilab qo'yilsin.

3. Tasdiqlangan Manzilliy ro'yxat asosida:

- Tuman hokimligi Moliya bo'limi (**M.Ro'zimatov**) tanlab olingan tadbirlarni moliyalashtirilishini ta'minlash maqsadida, buyurtmachi tashkilotlariga tegishli mablag' manbaasi bo'yicha (4017) "Fuqarolar tashabbusi jamg'armasi" maxsus hisob raqamlari ochilishini;

- Tuman hokimligi hisobxonasi (**H.Komilov**) Jamg'arma mablag'lari hisobidan tegishli buyurtmachi tashkilotlarga mablag'lar yo'naltirilishini;

-Buyurtmachi tashkilotlar ajratilgan mablag'larni loyiha-smeta xujjatlari asosida belgilangan tartibda maqsadli ishlatilishi va amalga oshirilgan ishlar bo'yicha Xalq deputatlari tuman Kengashi va tuman hokimligi huzuridagi Ishchi guruhga ma'lumot kiritib borilishini ta'minlasin.

4. Xalq deputatlari O'zbekiston tuman Kengashining 2022 yil 9-fevraldagi VI-46-22-11-161-K/22-sonli qarori bilan tasdiklangan "Tuman (shahar) byudjetlari mablag'larini jamoatchilik fikri asosida shakllantirilgan tadbirlarga yo'naltirish tartibi to'g'risida"gi nizomga 3-ilovaga muvofiq o'zgartish va qo'shimchalar kiritilsin.

5. Tuman hokimligining axborot xizmati rahbari-matbuot kotibi (**D.Jabborov**) va tuman moliya bo'limi (**M.Ro'zimatov**) bilan birgalikda jamoatchilik fikri asosida shakllantirilgan va "g'olib" deb topilgan tadbirlarning moliyalashtirishi hamda amalga oshirilishi lozim ishlar bo'yicha ma'lumotlarni "Ochiq byudjet" portaliga joylashtirilishi va keng jamoatchilikka muntazam yoritib borilishini ta'minlasin.

6. Tuman byudjetining jamoatchilik fikri asosida shakllantirilgan tadbirlarni moliyalashtirishga yo'naltirilgan mablag'larining belgilangan maqsadlarda va samarali foydalanilishi hamda mablag'larning ajratilishi uchun taqdim etiladigan barcha hujjatlarning haqqoniyligiga Ishchi komissiya a'zolari shaxsan javobgarligi eslatib o'tilsin.

7. Mazkur qaror ijrosini ta'minlash va nazorat qilish komissiya a'zolari zimmasiga yuklatilsin.

Tuman hokimi



Ш.Юлдашев

Xalq deputatlari O'zbekiston tuman Kengashining
2022 yil 8 oktabrdagi
VI-55-139-11-161-K/22-son qaroriga
1-ilova

O‘zbekiston tumani kesimida "Tashabbusli byudjet" loyihasining 2-mavsumi natijalariga asosan jamoatchlik fikri asosida shakllangan tadbirlarni moliyalashtirish bo‘yicha MANZILLI RO‘YXAT									№	G‘olib taklif ma’lumotlari						Amalga oshirishning aniqlangan qiymati	Xaqiqatda ajratilgan mablag‘	Buyurtmachi etib belgilangan tashkilot
					xxx	53 990	5 780	5 780		Taklif ID raqami	Taklif turkumi	Qisqacha mazmuni	Tadbirlarning manzili (Joylashgan MFY nomi)	Amalga oshiriladigan tadbir turi	To‘plagan ovozlari soni			
			O‘zbekiston tumani jami															
1	1440600073	Ichki yo‘llarni (piyodalar yo‘lakchasi, yo‘l o‘tkazgichlar) ta‘mirlash bilan bog‘liq tadbirlar	Sulaymon qishlog‘i ichki yo‘llarini asfalt qoplama yotqizish. O‘zbekiston ko‘chasi tamirlash uchun 0.300 km, Marg‘ilon ko‘chasi,0.250km, Tadbirkorlar ko‘chasi 0.300 km, Samarqand va Toshkent ko‘chalari uchun 0.750 km, Buxoro ko‘chasi 0.600 km, Andijon ko‘chasi 0.200 km, Amur Temur ko‘chasi 0.600 km (jami 3 km)	O‘zbekiston tumani O‘rta qishloq MFY	Qurilish	11455	1 200	1 200					Farg‘ona mintaqaviy yo‘llarga buyurtmachi xizmati DUK					
2	1440600049	Ichki yo‘llarni (piyodalar yo‘lakchasi, yo‘l o‘tkazgichlar) ta‘mirlash bilan bog‘liq tadbirlar	Islom mahallasida ichki yo‘llarni asfaltlash Mustaqillik ko‘chasi 3 km yo‘l	O‘zbekiston tumani Islom MFY	Qurilish	11351	1 200	1 200					Farg‘ona mintaqaviy yo‘llarga buyurtmachi xizmati DUK					
3	1440600082	Ichki yo‘llarni (piyodalar yo‘lakchasi, yo‘l o‘tkazgichlar) ta‘mirlash bilan bog‘liq tadbirlar	Qushqo‘noq MFY Chinor ko‘chasini 500 metr, Xumor-Girri ko‘chasini 600 metr, Qo‘rg‘oncha ko‘chasini 500 metr, Bog‘ ko‘chasini 500 metr, Guzar mahalla ko‘chasini 400 metr hamda Buloqboshi ko‘chasini 500 metr qismini asfaltlashtirish	O‘zbekiston tumani Qushqunoq MFY	Qurilish	10517	1 200	1 200					Farg‘ona mintaqaviy yo‘llarga buyurtmachi xizmati DUK					
4	1440600048	Ichki yo‘llarni (piyodalar yo‘lakchasi, yo‘l o‘tkazgichlar) ta‘mirlash bilan bog‘liq tadbirlar	Farovon Kelajak MFY Shaboda ko‘chasining 3 km qismini asfaltlash	O‘zbekiston tumani Farovon kelajak MFY	Qurilish	10354	1 200	1 200					Farg‘ona mintaqaviy yo‘llarga buyurtmachi xizmati DUK					

5	1440600001	Umumta'lim maktablarini ta'mirlash va moddiy-texnika bazasini rivojlantirish tadbirlari	O'zbekiston tumanidagi 2-maktabni ma'nan eskirgan eshik va romlarini yangilash	O'zbekiston tumani Nursux MFY	Ta'mirlash	10313	980	980	Yagona buyurtmachi injineriing kompaniyasi (GUKS)
---	------------	---	--	-------------------------------	------------	-------	-----	-----	---

Xalq deputatlari O'zbekiston tuman Kengashining
2022 yil 8 oktabrdagi
VI-55-139-11-161-K/22-son qaroriga
2-ilova

**Tuman byudjetlari mablag'larini jamoatchilik fikri asosida shakllantirilgan tadbirlarga yo'naltirish tartibi
to'g'risidagi nizomga kiritilayotgan o'zgartish va qo'shimchalar**

Xalq deputatlari O'zbekiston tuman Kengashining 2022 yil 9-fevraldagi VI-46-22-11-161-K/22-sonli Qarori bilan tasdiqlangan tuman byudjeti mablag'larini jamoatchilik fikri asosida shakllantirilgan tadbirlarga yo'naltirish tartibi to'g'risidagi nizomga quyidagi o'zgartish va qo'shimchalar kiritilsin:

1) 1-band quyidagi tahrirda bayon etilsin:

“Mazkur nizom tuman byudjeti mablag'larini jamoatchilik fikri asosida shakllantirilgan tadbirlarga yo'naltirish, shuningdek, “Ochiq byudjet” portali orqali jamoatchilik fikri asosida shakllantirilgan tadbirlarni moliyalashtirish tartibini belgilaydi”;

2) 2-band quyidagi tahrirda bayon etilsin:

“**jamoatchilik fikri** – ushbu Nizomda belgilangan tartibda fuqarolar tomonidan tuman (shahar)da mavjud ijtimoiy ahamiyatga ega muammolarni hal etishga qaratilgan ishlarni (xizmatlarni) mazkur hudud mahalliy byudjeti mablag'lari hisobidan moliyalashtirish bo'yicha bildirilgan takliflar;

tashabbusli byudjet jarayoni – “Ochiq byudjet” axborot portalida (keyingi o'rinlarda – Portal) jamoatchilik fikri asosida tadbirlarni shakllantirish, ularni saralash va ovoz berish jarayoni doirasida g'olib loyihalarni aniqlash hamda tuman va shahar byudjetlari mablag'lari hisobidan moliyalashtirishni o'z ichiga olgan jarayon;

g'olib loyiha – Portalda ovoz berish jarayoni yakunlariga ko'ra to'plangan ovozlar soni asosida avtomatik tarzda tanlab olingan loyiha;

fuqarolar tashabbusi jamg‘armasi – O‘zbekiston tuman hokimligida byudjet tashkilotlarining byudjetdan tashqari jamg‘armalari shaklida ochilgan shaxsiy g‘azna hisobvarag‘i;

loyihalarni amalga oshirish xronologiyasi – tashabbusli byudjet jarayoni doirasida g‘olib deb topilgan loyihalarni amalga oshirishning barcha bosqichlarini Portal orqali bevosita fuqarolarga kuzatib borish imkoniyatini beruvchi maxsus bo‘lim;

ishchi komissiya – jamoatchilik fikri asosida shakllantirilgan tadbirlarni baholash, tanlab olish hamda ijrosini monitoring qilish bo‘yicha O‘zbekiston tuman hokimligi qoshida tashkil etilgan komissiya;

onlayn murojaat – Portalda fuqarolar tomonidan savol, shikoyat, taklif yoki qonun buzilish holatlari yuzasidan xabar qoldirish imkoniyatini beruvchi maxsus sahifa”;

3) quyidagi mazmundagi 21, 22, 23, 24 va 25-boblar bilan to‘ldirilsin:

21-bob. “Ochiq byudjet” axborot portali orqali jamoatchilik fikri shakllantirilgan tadbirlarni moliyalashtirish tartibi

324. Fuqarolar tashabbusi jamg‘armasi (keyingi o‘rinlarda – Jamg‘arma) mablag‘lari faqat Portal orqali g‘olib deb topilgan loyihalarni moliyalashtirish uchun sarflanadi. Bunda loyihada nazarda tutilgan tadbirlardan tashqari ushbu tadbirlarni amalga oshirish bo‘yicha rasmiylashtirilishi lozim bo‘lgan xujjatlar (tegishli tashkilotlarning xulosalari, yakuniy ko‘rikdan o‘tkazish xarajatlari va boshqalar) uchun ham to‘lovlar moliyalashtirilishiga yo‘l qo‘yiladi.

325. Jamg‘arma mablag‘laridan foydalanish tegishli xalq deputatlari tuman Kengashlari qarori asosida amalga oshiriladi.

326. Loyihalarni ko‘rib chiqish va amalga oshirish bo‘yicha buyurtmachi tashkilotlar mazkur nizomning 5-ilovasiga muvofiq tarzda belgilanadi.

327. Tashabbusli byudjet jarayoni doirasida fuqarolar tomonidan kelib tushgan loyihalar Ishchi komissiya tomonidan Portalga kelib tushgan kundan boshlab 10 kun ichida mazkur Nizomning 5-ilovasiga muvofiq loyiha mazmuni tegishliligi bo'yicha buyurtmachi korxonalarga (keyingi o'rinlarda – buyurtmachi) yuboriladi.

328. Buyurtmachilar tomonidan loyihalar qabul qilingan kundan boshlab 10 ish kunida qonun hujjatlarida belgilangan muddatlarga muvofiqligi yuzasidan loyihalarni ko'rib chiqadi va Ishchi komissiyaga loyihalarni qabul qilish (loyiha qiymati va amalga oshirish uchun talab etiladigan qo'shimcha hujjatlar ro'yxatini ilova qilgan holda) yoki asoslantirilgan holda rad etish yuzasidan xulosa taqdim etadi.

329. Ishchi komissiya loyihalarni buyurtmachilar tomonidan taqdim etilgan xulosalar asosida ovoz berish bosqichiga o'tkazadi.

3210. Ovoz berish bosqichi yakunlariga ko'ra loyihalarga to'plangan ovozlar sonidan kelib chiqib, Portal tomonidan avtomatik tarzda "g'olib" loyihalar ro'yxati shakllanadi.

3211. Tashabbusli byudjet jarayoni doirasida ovoz berish bosqichi yakunlangandan so'ng 7 kun muddatda "g'olib" deb topilgan loyihalarni moliyalashtirish yuzasidan Ishchi komissiya tomonidan xalq deputatlari tuman Kengashiga qaror loyihasi kiritiladi.

3212. Qaror loyihasiga g'olib deb topilgan loyihalarni moliyalashtirish yuzasidan "Manzilli ro'yxat" ilova qilinadi. Manzilli ro'yxat quyidagilarni o'z ichiga oladi:

- g'olib deb topilgan loyiha Portalidagi xos "ID" raqami;
- amalga oshiriladigan tadbirlarning aniq manzili yoki balansda saqlovchi korxonaning manzili va nomi;
- loyihada nazarda tutilgan amalga oshirilishi lozim bo'lgan tadbirlarning qisqacha mazmuni;
- tadbirni amalga oshirish uchun talab etiladigan dastlabki mablag' qiymati;

- loyihani amalga oshirish uchun buyurtmachi etib belgilangan korxona;
- loyihani amalga oshirish uchun talab etiladigan qo‘shimcha hujjatlar (binolarni qurish uchun ekspertiza hujjatlari, hokimning yer ajratish to‘g‘risidagi tegishli qarori, loyiha-smeta hujjatlari va boshqalar);
- agar tadbir bevosita tovar va moddiy qiymatliklar (xizmatlar)ni xarid qilish bilan bog‘liq bo‘lsa, ushbu loyihalar bo‘yicha mazkur nizomning 6-ilovasiga muvofiq shaklda xarid qilinadigan tovar (xizmatlar) reyestri (keyingi o‘rinlarda – Reyestr) ilova qilinadi. Bunda reyestrda ko‘zda tutilgan xaridlarning jami summasi Manzilli ro‘yxatda tegishli loyihani moliyalashtirish uchun ko‘zda tutilgan mablag‘dan ortib ketishiga yo‘l qo‘yilmaydi;
- xarid qilish tartib-taomili turi (elektron do‘kon, boshlang‘ich narxni pasaytirish uchun o‘tkaziladigan auksion, eng yaxshi takliflarni tanlash, tender va boshqalar).

3213. Manzilli ro‘yxat belgilangan tartibda rasmiylashtirilishi, jumladan, buyurtmachi tashkilotlar to‘g‘ri tanlanishi, Reyestr to‘g‘ri shakllantirilishi, xarid qilish tartib-taomili turi va loyihani amalga oshirish aniq manzili kabi ma’lumotlar to‘g‘ri ko‘rsatilishi uchun Ishchi komissiya mas’ul hisoblanadi.

3214. G‘olib deb topilgan loyihalarni amalga oshirish uchun yer va boshqa resurslar ajratilishi, shuningdek, tegishli soha inspeksiyalarining ekspertiza xulosalari talab etilgan hollarda, ushbu resurslarni ajratish bo‘yicha qaror qabul qilish vakolatiga ega tashkilotlarga Manzilli ro‘yxat tasdiqlangandan so‘ng 1 ish kunida tuman (shahar) hokimligi tomonidan so‘rov yuboriladi.

3215. Xalq deputatlari O‘zbekiston tuman Kengashi tomonidan qaror va manzilli ro‘yxat tasdiqlanganidan so‘ng tuman moliya bo‘limi tomonidan g‘olib deb topilgan loyihalarni moliyalashtirish uchun buyurtmachi tashkilotlarga har bir loyiha uchun alohida Moliya vazirligi G‘aznachiligida mablag‘lar manbasi “Fuqarolar tashabbusi jamg‘armasi” bo‘lgan shaxsiy g‘azna hisobvaraqlari ochiladi.

3216. Ochilgan shaxsiy g‘azna hisobvaraqlariga 3 ish kuni ichida Jamg‘arma hisobidan tuman hokimligi tomonidan g‘olib deb topilgan loyihalar uchun Manzilli ro‘yxatda nazarda tutilgan mablag‘lar o‘tkazib beriladi.

3217. Manzilli ro'yxatda nazarda tutilgan mablag'lar tegishli shaxsiy g'azna hisobvaraqlariga o'tkazib berilgandan so'ng buyurtmachi tashkilotlar 3 ish kunida tovar-moddiy boyliklar (ishlar va xizmatlar) xarid qilish uchun ta'minotchi korxonalarni aniqlash, qurilish-ta'mirlash bilan bog'liq tadbirlar bo'yicha loyiha-smeta hujjatlarini shakllantirish va loyihachi korxonalarni aniqlash bo'yicha davlat xaridlari elektron tizimiga e'lon joylashtiradi.

3218. Qurilish va ta'mirlash bilan bog'liq tadbirlar yuzasidan loyiha-smeta hujjatlariga ekspertiza xulosasi olingan kundan boshlab 1 ish kunida buyurtmachi tashkilotlar Manzilli ro'yxatda ko'rsatilgan xarid qilish tartib-taomili turi bo'yicha pudratchi korxonalarni aniqlash choralarini ko'radi.

3219. G'olib loyihalar amalga oshirish shakllariga ko'ra quyidagi turlarga bo'linadi:

- tovar-moddiy boyliklar (xizmatlar) xarid qilish bo'yicha tadbirlar;
- bino va inshootlarni joriy yoki kapital ta'mirlash (rekonstruksiya qilish) bo'yicha tadbirlar;
- bino va inshootlar qurish (barpo etish) bo'yicha tadbirlar.

22-bob. Tovar-moddiy boyliklar (xizmatlar) xarid qilish bo'yicha tadbirlarni moliyalashtirish

3220. Tovar-moddiy boyliklar (xizmatlar) xarid qilish bo'yicha tadbirlarni amalga oshirishda buyurtmachi tashkilot davlat xaridlari to'g'risidagi qonun hujjatlariga muvofiq moddiy qiymatliklar (xizmatlar)ni yetkazib beruvchi yoki pudratchilarni aniqlash:

- elektron do'kon orqali;
- boshlang'ich narxni pasaytirish uchun o'tkaziladigan auksion orqali;
- eng yaxshi takliflarni tanlash orqali;

- qonun hujjatlarida belgilangan tartibda to'g'ridan-to'g'ri shartnomalar tuzish orqali davlat xaridlarini amalga oshiradi.

3221. Tovar-moddiy boyliklar (xizmatlar) xarid qilish 3220-bandda keltirilgan xarid qilish tartib-taomili turi orqali tartib va muddatlarda amalga oshiriladi.

3222. Ajratilgan mablag'lar faqat Manzilli ro'yxatga ilova qilingan Reyestrda nazarda tutilgan tovar-moddiy qiymatliklar (xizmatlar)ni xarid qilish uchun sarflanadi. Bunda reyestrda kiritilgan tovar-moddiy boyliklar (xizmatlar) turi o'zgartirilishiga yoki soni oshirilishiga yo'l qo'yilmaydi.

3223. Xarid qilinishi nazarda tutilgan tovar-moddiy qiymatliklarni haqiqiy bozor narxi g'olib deb topilgan loyiha uchun nazarda tutilgan mablag'dan ortiq bo'lsa, ushbu holatda Reyestrning jami summasiga aniqlik kiritilishi mumkin. Bunday hollarda yetishmagan mablag'lar Jamg'arma hisobidan ajratilishi uchun Manzilli ro'yxatga tegishli o'zgartirishlar kiritish yuzasidan xalq deputatlari O'zbekiston tuman Kengashi qarori qabul qilinishi lozim.

3224. Xarid qilingan tovar-moddiy qiymatliklar buyurtmachi tashkilot balansiga kirim qilinadi va belgilangan tartibda buxgalteriya hisobotlarida aks ettiriladi.

3225. Buyurtmachi tashkilot xarid qilingan tovar-moddiy qiymatliklarni saqlab turish bilan bog'liq xarajatlarni moliyalashtirish yuzasidan kelgusi moliya yili uchun byudjet so'rovida tegishli mablag'lar ko'zda tutilishini ta'minlaydi.

3226. Umumfoydalanishda bo'lgan tabiiy resurslar bilan ta'minlash vositalari (transformator, quvurlar, uzellar va boshqa tabiiy resurslarni yetkazib berishda qo'llaniladigan vositalar)dan foydalanishda buyurtmachi tashkilot mazkur vositalarni o'z balansiga kirim qiladi hamda tomonlar o'rtasida kelishuv asosida tegishli ekspluatasiya korxonalariga foydalanish uchun beradi.

23-bob. Bino va inshootlarni joriy yoki kapital ta'mirlash (rekonstruksiya qilish) bo'yicha tadbirlarni amalga oshirish

3227. Mavjud bino va inshootlarni joriy yoki kapital ta'mirlash (keyingi o'rinlarda – ta'mirlash) bo'yicha tadbirlar buyurtmachi tashkilot tomonidan "Davlat xaridlari to'g'risida"gi Qonunga muvofiq:

a) ta'mirlash ishlarini amalga oshirish uchun Manzilli ro'yxatda ko'rsatilgan qo'shimcha talab etiladigan hujjatlarni:

- elektron do'kon orqali;
- eng yaxshi takliflarni tanlash orqali;
- yagona yetkazib beruvchilar bilan to'g'ridan-to'g'ri shaklda;

b) ta'mirlash ishlarini amalga oshiruvchi pudratchi tashkilotlarni:

- eng yaxshi takliflarni tanlash orqali amalga oshiradi.

3228. Ta'mirlash ishlarini amalga oshirish hamda tegishli hujjatlarni rasmiylashtirish uchun pudratchilarni aniqlash 3227-bandda keltirilgan usullardan biri orqali qonun hujjatlarida belgilangan tartib va muddatlarda amalga oshiriladi.

3229. Ajratilgan mablag'lar faqat Manzilli ro'yxatda nazarda tutilgan tadbirlarni amalga oshirish va ushbu tadbirlarni bajarish uchun qo'shimcha talab etiladigan hujjatlarni rasmiylashtirish xarajatlariga sarflanishi mumkin. Bunda Manzilli ro'yxatda ko'rsatilgan ta'mirlash ishlari hajmining oshirilishiga yo'l qo'yilmaydi.

3230. Ta'mirlash ishlarining haqiqiy bozor narxi Manzilli ro'yxatda nazarda tutilgan mablag'dan ortiq bo'lsa, ekspertizadan o'tkazilgan loyiha-smeta hujjatlari hamda buyurtmachi korxonaning xulosasiga asosan loyihaning amalga oshirish yakuniy qiymatiga aniqlik kiritilishi mumkin. Bunday hollarda qo'shimcha talab etiladigan mablag'lar Jamg'arma hisobidan ajratilishi uchun Manzilli ro'yxatga tegishli o'zgartirishlar kiritish yuzasidan xalq deputatlari O'zbekiston tuman Kengashi qarori qabul qilinishi lozim.

3231. Ta'mirlash ishlari uchun buyurtmachi etib, qoida tariqasida, balansda saqlovchi yoki byudjet mablag'i taqsimlovchi belgilanadi. Agar loyihaning amalga oshirish qiymati bazaviy hisoblash miqdorining

1000 barobaridan ortiq bo'lsa (ichki yo'llarni ta'mirlash bundan mustasno), buyurtmachi etib viloyat hokimligi huzuridagi "Yagona buyurtmachi xizmati" IK DUK buyurtmachi etib belgilanishi mumkin.

3232. Buyurtmachi korxona etib yagona buyurtmachi korxonalar belgilanganda ushbu korxona uchun tuman darajasida maxsus g'azna hisobvaraqlari ochilib, "Fuqarolar tashabbusi jamg'armasi"dan g'olib loyihani amalga oshirish uchun ko'zda tutilgan mablag'lar o'tkazib beriladi.

3233. Ta'mirlash ishlarini amalga oshirish uchun yagona buyurtmachi korxona va balansda saqlovchi o'rtasida bitim imzolanadi. Bitimda loyihani amalga oshirish qiymati, amalga oshiriladigan ishlar, qabul qilib olish muddati va boshqa texnik ko'rsatkichlar aks ettiriladi.

3234. Yagona buyurtmachi korxonalar tomonidan loyihani amalga oshirish uchun qonun hujjatlarida belgilangan tartibda pudratchi korxonalar bilan shartnomalar rasmiylashtiriladi.

3235. Ta'mirlash ishlari yakunlangandan so'ng ta'mirlangan ob'yekt amalga oshirilgan ishlar yuzasidan tegishli hujjat va xulosalar bilan birga balansda saqlovchiga topshiriladi.

3236. Ta'mirlash ishlari sifatli va o'z vaqtida amalga oshirilishi uchun javobgarlik buyurtmachi tashkilot zimmasiga yuklatiladi.

24-bob. Bino va inshootlar qurish (barpo etish) bilan bog'liq tadbirlar

3237. Jamoatchilik ehtiyoji uchun fuqarolarni ijtimoiy qo'llab-quvvatlashga xizmat qiladigan ob'yektlar, shu jumladan, bino va inshootlarni qurishda (keyingi o'rinlarda – qurilish ishlari) buyurtmachi etib:

- qurilish ishlarining amalga oshirish qiymati bazaviy hisoblash miqdorining 1000 baravarigacha bo'lsa, balansda

saqlovchi korxona tomonidan (keyinchalik ob'yektni qabul qilib olishda tegishli mutaxassislarni yollagan holda ularning xulosasini olish sharti bilan);

- qurilish ishlarining amalga oshirish qiymati bazaviy hisoblash miqdorining 1000 baravaridan ortiq bo'lsa, yagona yetkazib beruvchi korxonalar belgilanadi.

3238. Balansda saqlovchilar buyurtmachi sifatida qurilish ishlarini amalga oshirishda:

a) qurilish ishlarini amalga oshirish uchun Manzilli ro'yxatda ko'rsatilgan qo'shimcha talab etiladigan hujjatlarni:

- elektron do'kon orqali;
- auksion orqali;
- eng yaxshi takliflarni tanlash orqali;
- yagona yetkazib beruvchilar bilan to'g'ridan-to'g'ri shaklda;

b) qurilish ishlarini amalga oshiruvchi pudratchi tashkilotlarni:

- eng yaxshi takliflarni tanlash orqali;
- tender orqali aniqlagan holda amalga oshiradi.

3239. Ajratilgan mablag'lar faqat Manzilli ro'yxatda nazarda tutilgan qurilish ishlarini amalga oshirish va ushbu tadbirlarni bajarish uchun qo'shimcha talab etiladigan hujjatlarni rasmiylashtirish xarajatlariga sarflanishi mumkin. Bunda Manzilli ro'yxatda ko'rsatilgan qurilish ishlari hajmi oshirilishiga yo'l qo'yilmaydi.

3240. Balansda saqlovchilar sifatida buyurtmachi belgilanib ishlar amalga oshirilganda qurilish ishlari yakunlariga ko'ra bajarilgan ishlarni belgilangan texnik myezonlarga muvofiqligi yuzasidan mutaxassislar jalb etilgan holda ob'yektlar qabul qilib olinishi va foydalanishga topshirilishi lozim.

3241. Qurilish ishlarining haqiqiy bozor narxi Manzilli ro'yxatda nazarda tutilgan mablag'dan ortiq bo'lsa, ekspertizadan o'tkazilgan loyiha-smeta hujjatlari hamda buyurtmachining xulosasiga asosan qurilish ishlarining yakuniy qiymatiga aniqlik kiritilishi mumkin. Bunday hollarda yetishmagan mablag'lar Jamg'arma hisobidan ajratilishi uchun Manzilli ro'yxatga tegishli o'zgartirishlar kiritish yuzasidan xalq deputatlari tuman O'zbekiston tuman Kengashi qarori qabul qilinishi lozim.

3242. Buyurtmachi korxona etib yagona buyurtmachi korxonalar belgilanganda ushbu korxona uchun tegishli tuman darajasida maxsus g'azna hisobvaraqlari ochilib, "Fuqarolar tashabbusi jamg'armasi"dan g'olib loyihani amalga oshirish uchun ko'zda tutilgan mablag'lar o'tkazib beriladi.

3243. Qurilish ishlarini amalga oshirish uchun yagona buyurtmachi korxona va balansda saqllovchi o'rtasida bitim imzolanadi. Bitimda loyihani amalga oshirish qiymati, amalga oshiriladigan ishlar, qabul qilib olish muddati va boshqa texnik ko'rsatkichlar aks ettiriladi.

3244. Yagona buyurtmachi korxonalar tomonidan loyihani amalga oshirish uchun qonun hujjatlarida belgilangan tartibda pudratchi korxonalar bilan shartnomalar rasmiylashtiriladi.

3245. Qurilish ishlari yakunlangandan so'ng Yagona buyurtmachi korxona tomonidan yangi qurilgan ob'yektlar tegishli hujjat va foydalanishga loyiq ekanligi yuzasidan texnik xulosalar bilan birga balansda saqllovchiga topshiriladi.

3246. Qurilish ishlari sifatli va o'z vaqtida amalga oshirilishi uchun javobgarlik buyurtmachi tashkilot zimmasiga yuklatiladi.

25-bob. Loyihalarni amalga oshirishda jamoatchilik nazoratining o'rnatilishi

3247. Tuman (shahar) hokimliklari qoshida tashkil etilgan Ishchi komissiya tomonidan tashabbusli byudjet jarayonlari

ijrosi yuzasidan har chorak yakunlariga ko‘ra hisobotlar hokimlikning rasmiy veb-sayti hamda Portal orqali jamoatchilikka e‘lon qilib boriladi.

3248. G‘olib deb topilgan loyihalarni amalga oshirishning barcha bosqichlari fuqarolar uchun ochiqligini va ular tomonidan jamoatchilik nazorati o‘rnatilishini ta‘minlash maqsadida Portalda “loyihalarni amalga oshirish xronologiyasi” yuritib boriladi.

3249. Ishchi komissiya loyihalarni amalga oshirish xronologiyasida tegishli ma‘lumotlar belgilangan muddatlarda kiritilishiga va yangilab borilishiga mas‘ul hisoblanadi.

3250. Loyihalarni amalga oshirish xronologiyasi quyidagi ma‘lumotlarni o‘z ichiga oladi:

- buyurtmachi tashkilot nomi;
- loyiha uchun ochilgan hisobvaraq;
- loyiha uchun ajratilgan mablag‘ miqdori;
- loyiha-smeta va ekspertiza hujjatlari;
- “Davlat xaridlari to‘g‘risida”gi Qonunga muvofiq o‘tkazilgan tanlovlar;
- pudratchi korxona to‘g‘risida ma‘lumotlar;
- amalga oshirilgan xarajatlar va rasmiylashtirilgan shartnomalar.

3251. G‘olib deb topilgan loyihalar mualliflari tomonidan tadbirlarni amalga oshirishning barcha bosqichlarini kuzatish hamda bajarilgan ishlarni real-vaqt ko‘rinishida baholab borish imkoniyatiga ega bo‘ladi. Bunda jamoatchilik nazorati doirasida fuqarolar tadbirlarni kuzatib borish orqali qonun buzilishi holatlari yoki kamchiliklar kuzatilganda shikoyat tarzida vakolatli organlarga yoki Portal orqali “onlayn murojaat” sahifasiga murojaat qilishlari mumkin.

3252. G‘olib deb topilgan loyiha tashabbuskorlari tomonidan loyihani amalga oshirishda boshqa ko‘rinishdagi aralashuvlarga (pudratchi korxonani aniqlash yoki ishlarni ularning o‘zlari tomonidan amalga oshirish, loyiha-smeta hujjatlarini ishlab chiqish va shu kabilarga) yo‘l qo‘yilmaydi.

3253. Loyihalar amalga oshirilgandan so‘ng g‘olib deb topilgan loyihalar tashabbuskorlari tomonidan amalga oshirilgan ishlar Portalda “Jamoatchilik nazorati” bo‘limi orqali baholanadi va bajarilgan ishlar yuzasidan kamchiliklar kuzatilganda izohlar bildirish hamda foto yoki video materiallar ilova qilish imkoniyati yaratiladi.

3254. Loyihalarni amalga oshirish davomida yoki ishlar yakunlangandan so‘ng bajarilgan ishlar natijalariga ko‘ra ortiqcha to‘lovlar yoki kamomad aniqlangan hollarda, aniqlangan kamomad mablag‘lari tegishliligi bo‘yicha jamg‘armaga to‘liq qayta tiklanishi ta‘minlanadi”;

4) 5 va 6-ilovalar bilan to‘ldirilsin.

*Tuman byudjeti mablag'larini jamoatchilik fikri
asosida shakllantirilgan tadbirlarga yo'naltirish
tartibi to'g'risidagi nizomga
5-ilova*

Tashabbusli byudjet jarayoni yakunlariga ko'ra g'olib bo'lgan loyihalarni amalga oshirish bo'yicha buyurtmachi tashkilotlar ro'yxati

T/R	Loyihaning qisqacha nomi	Balansda saqllovchi	Buyurtmachi korxona		
			xarid tadbirlari	ta'mirlash tadbirlari*	qurish tadbirlari*
1	Avtomobil yo'llarini (piyodalar yo'lakchasi, yo'l o'tkazgichlar) ta'mirlash bilan bog'liq tadbirlar	tuman (shahar) obodonlashtirish boshqarmasi	X	tuman (shahar) obodonlashtirish boshqarmasi/ Mintaqaviy yo'llarga buyurtmachi xizmati DUK	tuman (shahar) obodonlashtirish boshqarmasi/ Mintaqaviy yo'llarga buyurtmachi xizmati DUK
		Umumfoydalanishdagi yo'llar	X	Mintaqaviy yo'llarga buyurtmachi xizmati DUK	Mintaqaviy yo'llarga buyurtmachi xizmati DUK
2	Maktabgacha ta'lim tashkilotlarini ta'mirlash va moddiy-texnika bazasini rivojlantirish tadbirlari	Maktabgacha ta'lim bo'limi	Maktabgacha ta'lim bo'limi	Maktabgacha ta'lim bo'limi/yagona buyurtmachi korxona	Maktabgacha ta'lim bo'limi/yagona buyurtmachi korxona
3	Ko'cha chiroqlarini o'rnatish yoki ta'mirlash (simyog'och o'rnatish) tadbirlari	tuman (shahar) obodonlashtirish boshqarmasi	tuman (shahar) obodonlashtirish boshqarmasi	tuman (shahar) obodonlashtirish boshqarmasi	tuman (shahar) obodonlashtirish boshqarmasi
4	Umumta'lim maktablarini ta'mirlash va moddiy-texnika bazasini rivojlantirish tadbirlari	Xalq ta'limi bo'limi	Xalq ta'limi bo'limi	Xalq ta'limi bo'limi/yagona buyurtmachi korxona	Xalq ta'limi bo'limi/yagona buyurtmachi korxona
5	Bolalar maydonchalarini (o'yingohlarini) barpo etish yoki ta'mirlash bilan bog'liq tadbirlar	Mahalla fuqarolar yig'ini	Mahalla va nuroniylarni qo'llab quvatlash bo'limi	Mahalla va nuroniylarni qo'llab quvatlash bo'limi /yagona buyurtmachi korxona	Mahalla va nuroniylarni qo'llab quvatlash bo'limi /yagona buyurtmachi korxona
		Ko'p qavatli uylarga xizmat ko'rsatish shirkatlari	Hokimlik	Hokimlik/yagona buyurtmachi korxona	Hokimlik/yagona buyurtmachi korxona
6	Ko'p qavatli uylarni ta'mirlash tadbirlari	Ko'p qavatli uylarga xizmat ko'rsatish shirkatlari	X	Hokimlik	Hokimlik/yagona buyurtmachi korxona

T/R	Loyihaning qisqacha nomi	Balansda saqlovchi	Buyurtmachi korxona		
			xarid tadbirlari	ta'mirlash tadbirlari*	qurish tadbirlari*
7	Sport muassasalari yoki sog'lomlashtirish markazlarini ta'mirlash va moddiy-texnika bazasini rivojlantirish	Barcha hollarda	Sportni rivojlantirish bo'limi	Sportni rivojlantirish bo'limi	Sportni rivojlantirish bo'limi
8	Sog'liqni saqlash muassasalarini ta'mirlash va moddiy-texnika bazasini rivojlantirish tadbirlari	Tibbiyot birlashmasi	Tibbiyot birlashmasi	Tibbiyot birlashmasi/yagona buyurtmachi korxona	Tibbiyot birlashmasi/yagona buyurtmachi korxona
9	Mahalla guzari (mahallada umumfoydalanishda bo'lgan boshqa ob'ektlar)ni ta'mirlash-tiklash bilan bog'liq xarajatlar	Mahalla va nuroniylarni qo'llab-quvvatlash bo'limi	Mahalla va nuroniylarni qo'llab-quvvatlash bo'limi	Mahalla va nuroniylarni qo'llab-quvvatlash bo'limi/yagona buyurtmachi korxona	Mahalla va nuroniylarni qo'llab-quvvatlash bo'limi/yagona buyurtmachi korxona
10	Drenaj va ariq (zovur)larni tartibga keltirish bilan bog'liq tadbirlar	Irrigasiya bo'limi	X	Irrigasiya bo'limi	Irrigasiya bo'limi
11	Obodonlashtirish va ko'kalamzorlashtirish (tuman yoki shahar qiyofasini o'zgartirish) bilan bog'liq tadbirlar	Obodonlashtirish boshqarmasi	Obodonlashtirish boshqarmasi	Obodonlashtirish boshqarmasi	Obodonlashtirish boshqarmasi
12	Qabristonlarni tartibga keltirish tadbirlari	Obodonlashtirish boshqarmasi	Obodonlashtirish boshqarmasi	Obodonlashtirish boshqarmasi	Obodonlashtirish boshqarmasi
13	Aholi dam olish maskanlarini ta'mirlash yoki moddiy-texnik bazasini rivojlantirish bilan bog'liq tadbirlar	Barcha hollarda	Balansda saqlovchi byudjet tashkiloti	Balansda saqlovchi byudjet tashkiloti /yagona buyurtmachi korxona	Balansda saqlovchi byudjet tashkiloti /yagona buyurtmachi korxona
14	Tabiiy gaz ta'minoti bilan bog'liq loyihalar	Tuman gaz ta'minoti	X	Tuman hokimligi/yagona buyurtmachi korxona	Tuman hokimligi/yagona buyurtmachi korxona
15	Elektr ta'minoti, transformator o'rnatish va ta'mirlash tadbirlari	Hududiy elektr tarmoqlari korxonasi	Tuman hokimligi	Tuman hokimligi/yagona buyurtmachi korxona	Tuman hokimligi/yagona buyurtmachi korxona
16	Ichimlik suvi va oqava suv tizimini yaxshilash bilan bog'liq tadbirlar	Suv ta'minoti korxonasi	X	Tuman hokimligi/ Suv ta'mionta va oqava suv ob'ektlari qurilishi bo'yicha injineriing kompayaisi UK xududiy boshqarmalari	Tuman hokimligi/ Suv ta'mionta va oqava suv ob'ektlari qurilishi bo'yicha injineriing kompayaisi UK xududiy boshqarmalari
17	Musiqatashkilotlarini ta'mirlash va moddiy-texnika bazasini rivojlantirish tadbirlari	Musiqatmaktablari	Musiqatmaktablari	Musiqatmaktablari/yagona buyurtmachi korxona	Musiqatmaktablari/yagona buyurtmachi korxona

T/R	Loyihaning qisqacha nomi	Balansda saqllovchi	Buyurtmachi korxona		
			xarid tadbirlari	ta'mirlash tadbirlari*	qurish tadbirlari*
18	Boshqa ta'lim muassasalarini ta'mirlash va moddiy-texnika bazasini rivojlantirish tadbirlari	Byudjet mablag'larini taqsimlovchisi	Byudjet mablag'larini taqsimlovchi	Byudjet mablag'larini taqsimlovchi/yagona buyurtmachi korxona	Byudjet mablag'larini taqsimlovchi/yagona buyurtmachi korxona
19	Oliy o'quv yurtlarini ta'mirlash va moddiy-texnika bazasini rivojlantirish tadbirlari	Oliy o'quv yurti	Oliy o'quv yurti	Oliy o'quv yurti/yagona buyurtmachi korxona	Oliy o'quv yurti/yagona buyurtmachi korxona
20	Boshqalar	x	Tuman hokimligi	Tuman hokimligi	Tuman hokimligi

Izoh:

1. Agar ushbu ro'yxatda ko'rsatib o'tilgan buyurtmachi korxonalar mavjud bo'lmasa, xalq deputatlari tuman Kengashi tomonidan boshqa buyurtmachi korxona belgilanishi mumkin;

2. Ushbu ro'yxatda ko'rsatib o'tilmagan loyihalarni amalga oshirish bo'yicha buyurtmachilarni belgilash xalq deputatlari tuman Kengashi tomonidan amalga oshiriladi.

*Tuman byudjetlari mablag'larini
jamoatchilik fikri asosida shakllantirilgan
tadbirlarga yo'naltirish tartibi to'g'risidagi
nizomga
6-ilova*

_____ tumani bo'yicha o'tkazilgan tashabbusli byudjet jarayoni yakunlariga ko'ra g'olib bo'lgan
ID _____ loyihani amalga oshirish bo'yicha xarid qilinadigan tovar (xizmatlar)
Reyestri

Ming.so'm

T/R	Tovar (xizmat) nomi	soni	bozor narxi	Summasi
1				
2				
3				
4				
5				
...				
Loyihaning amalga oshirish jami qiymati*				

*Manzilli ro'yxatda nazarda tutilgan mablag'dan ortib ketishi **mumkin emas**.